



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

VIII. Die Martii.

**urn:nbn:de:hbz:466:1-9625**

morte loqueretur; & quæ ad calcem apponi solet virtus, esset *mortis meditatio*. Ita commonitus hoc agebat, quod optimum pro eo articulo iudicabat, mori iam certus. Et verò paulò post illum morbus incessit, & non plurius, quam quatuor dierum intervallo, cum ad extrema adduxit, ac extinxit 7. Martij die qui sortito illi cum S. Thoma obrigerat.

P. FRANCISCVS  
TORRESIUS.

Italus  
M. S. 1625.  
Mar. 1625.

Cum Panormi Rector præfesset, non solum nullum admisit cubiculi administrum, verum alijs ad vineam digressis ipse domi verberat maus conclaue, seu aulae ut vocant locum. Toto illo ante cineres triduo, ille in villam se cedebat, parco ibi, nec nisi feruorum cibo vsus, rotusque in preces effusus ad Deum pro mundo tunc delirante placandum. Aiuunt illum non nisi cilicio vestitum cubitum concessisse. Rarus apparebat in publico, quippe cubiculi amans, & orationis. Vno ante mortem anno mortem suam præuidit, & prædixit. Moriens, DEIPARÆ amorem, & cul-

Bacchanalia

Cilicium.

Mors præ-  
uisa.

tum pro matrimonio legauit socijs, & Meditationes, quas de illâ, manu suâ conscripserat. Mors illi optata, & læta. Vnde *Te Deum laudamus* repetens, rogabat vt in reddendis Deo gratijs iuuaretur.

B. V.  
amor pro  
testamento.

P. IACOBVS DE  
SAMANIEGO.

Nullo vnquam letali peccato innocentiam suam fœdauit, vt fama est. Et veniale quàm maximè horruit, ne quod deliberatâ voluntate committeret. Aerumnas quas patiebatur vocabat vias suas Cruces. S. Michaeli Archangelo post Reginam Angelorum præcipue fuit addictus, qui Iacobo se in gloriæ splendore spectabilem aliquando ostendens, illi fidelem suam in animabus ad fidem & frugem adducendis opem promissit, quam ille mirè luculentam experiebatur. Vnâ eademque veste per 33. annos est vsus. Vulgo pro sancto habitus viuens; & ad mortui sepulchrum plures fassi sunt se magna à Deo beneficia, non sine admirabilitate accepisse.

Hispanus  
in Peru. 7.  
Mar. 1626.  
ætat. 81.  
Soc. 64.

Vni peccat.  
B. V.  
S. Michael.

Zelus anim.

Panperum.

VIII. DIE MARTII.

BARTHOLOMÆVS  
GONZALUS SCHOLAST.

8 Mar. Bra-  
silius in Bra-  
silia Bahyæ.  
1576.

Hic vnâ cum Patre suo Adamo Gonzalo Societatem amplexus in Collegio Bahyensi literis excolebatur, eâ commendatione virtutis, vt illius animam *sanctam* vocauerit P. Iosephus Anchieta, qui pro mortuo Bartholomæo sacris quinquies operatus, dixit Adamo eius Pa-

tri; bonam illius animam pluribus non egere. Piratininganam sedem tunc regebat Adamus Bartholomæi Patre, & ecce de specula fixis in cælum oculis dum precaretur, nesciebat quorum per cælum ambulantium agmen aspexit, vocemque audiuit Bartholomæi Bahyæ tunc mortui: Pater, pater, ego sum, ora Deum pro me.

Physic.

P. OCTA-



P. OCTAVIVS  
CAIETANVS.

Siculus Pa.  
normi. 8.  
Mar. 1620.  
stat. 54.  
Soc. 18.  
Vocatio.

**N**obili sanguine, aspectu, moribusque Angelicis, & puritate Virgo. Ad Societatem aiebat se vocatum, quod in templo nostro Syracusis cum oraret, Crucifixum semper grandiosem quod propius accedebat & viuzam, ac luculentam in eius capite flammam conspexerit. Fœmina impudica Panormi cum anno 1600. Octauio mortem mediraretur, minitabundum ex altari vidit S. P. Ignatium; dæmone quoque ab illa inuocato, falso sibi per Ignatium in Octauium nil licere. Puella dæmonis ductu, & fœminæ illius iussu in Collegium inducta est vt cubiculum P. Octauij noctu ingressa, illum ad scelus pelliceret. Mær puellam adiit fœmina, vt de rei successu certior redderetur, & puellam hæctenus formâ liberali, iam distortam, carbonis instar tetram, clamantemque inuenit: *Ignatius, Ignatius, Ignatius impedimento est; Et autor infortunij mei.* Ita fœmina illa vitam apud Octauium expiaram serid emendauit. At castum eius cubiculum feliciore successu honorasse fertur Deus, quando sanctarum Sicilia Virginum chorus illud ingredi conspectus. In Christi, B. Virginis, Principum Apostolorum vigilijs, & per Martium 6. quauis feriâ, se multo sanguine cruentabat: nudis asseribus indormiebat. In rectiore acior erat in eos qui disciplinæ laxamento erant; idque censebat exempli, & boni publici interesse ne tales fouerentur. Illo de Angelis Sacrificium peragente, visi sunt Angeli illum circumdare, pluresque semper, ac plures, atque cum Reginâ Angelorum plurimi certatim affluere.

S. P. Ignat.

Mortif.

B. P.  
Angeli.

Visa est & Regina ipsa tabernaculum habere in pectore è quo pulcherrimus puer Iesus prodierit cum ardente face in manu sub communionem Octauium tenerè, arctèque complexus. Illud verò libri de Sicilia sanctis ab illo conscripti, seu præmium fuerit, siue indicium, quod vise sint splendide sanctorum phalanges ex eius ore triumphali gaudio erumpere, totamque Siciliam inundare. Pro ægro S. P. Ignatium orabant socij. Eo tempore vidit S. Patrem sociorum preces flexigenibus DEIPARÆ offerentem: at Deiparam nutu ostendisse, iam vitam illi prorogandam non esse. Vnde Angeli cum S. P. Ignatio illi dixere, non exaudiendas pro eius incolumitate sociorum preces, ad Cælum ergo sese accingeret.

Euch.

Sancti.

B. P.  
S. P. Ignat.

P. THOMAS  
SAILLIVS.

**H**ic in itinere Mosconitico & postea in castris, cum Principibus viris esset à confessionibus, magno usque ad sanctitudinis laudem, pietatis, modestiæ, prudentiæ, zeli, omnisque virtutis exemplo, multa passus est & fecit pluxima. Peste in Castris inter pios labores haustâ, venâ ruptâ, sanguinis vomitu, morbis alijs quassatum, conspecta illi, eumque allocuta Deipara persanauit. Visa dicitur Aspricollis DEIPARA, S. Barbarâ alijsque Virginibus comitata, Christo pro Thoma olim morti vicino dicere, *sine nostrum hunc seruulum etiamnum paulisper viuere.* Possuinius, quia in modestissimum virtum per iter sibi durior visus est fuisse, ad eius pedes abiectus veniam petijt, impetrauit, virtute huius virtuti alterius facile annuente. In ipso diuino sacrificio celebrando post communionem illum paralytis, & mors

Belga Br.  
xellæ. 8.  
Mar. 1625.  
stat. 70.  
Soc. 43.

B. P.  
sanat. agrum

R denique